

Era istòria deth Centre d'Equitacion Montblanc

Nòm:

Grop:

Era passion de Maria pes shivaus, era sua constància e eth supòrt dera familia l'ajudèren a hèr realitat un sòn.

Des de petita Maria soniaue de montar eth sòn pròpri projècte. Dilhèu serie cuedadora de dofins, dondaira de gossets o ben veterinària... Era sua ment, coma era de quinsevolh mainada, viatjauè fòrça luenh. Non auie clar qué harie, mès òc que sabiaue que serie relacionat damb es bèsties que tant estimaue.

Se i auie ua bèstia especiau que l'apassionaue, aguesta ère eth shivau. Es sòns oncles tostemp n'auien agut e gràcies ad açò podèc èster en contacte damb aquestes bèsties. Maria rebrembe que quan auie uns 15 ans es oncles s'aueren de vèner es shivaus per manca de temps entà cuedar-les. Agustèt hèt siguec clau tà prèner era decision de dedicar-se ath mon eqüèstre.


A partir d'ací estudièc e trabalhèc en diferenti centres de Catalonha, coma eth C.A.V.A.* e eth Club Hípic de Girona, eth Centre d'Equitacion de Torredembarra e d'auti centres, tà aquerir coneishements e experiència enquia que decidic inaugurar eth sòn pròpi centre. Eth supòrt des pairs, es frairs e es monitors siguec fundamentau tà que Maria auesse era confiança e era determinacion tà continuar tà deuant damb eth projècte qu'ara fin se convertic en Centre d'Equitacion Montblanc.

En aquest centre, integrat en un entorn rurai, petiti e grani reciben classes d'equitacion e de dreçatge classic, hèn excursions e d'outes activitats que les permeten gaudir des shivaus e era natura. Er objectiu deth Centre d'Equitacion Montblanc ei dar a conèisher mès era equitacion, un espòrt que se pòt realizar de manèra individuau o conjuntament damb era familia.

Ath delà, apòrte beneficis as mainatges, com era responsabilitat de mantier eth shivau san e comòde, er afècte perque se cree un vincle damb era bèstia e er orde necessari entà hèr ben era activitat. En cas des adults, ei molt recomanable se patissen ansietat o estrès perque les ajude a desconnectar centrar-se sonque en shivau. Actuaument era equinoteràpia ei reconeishuda com ua teràpia eficaça que milhore era qualitat de vida a trauès dera relacion que s'establis entre era persona e eth shivau.

Maria tanben desire que toti es que visiten eth centre s'ac passen ben e aprenen d'ua bèstia magnifica e nòbla. Per açò, s'encara non as montat a shivau, era l'anime a provà'c. Tà deuant!

Se vòs saber mès informacion sus eth Centre d'Equitacion Montblanc, consulta era plana web:
<http://www.equitaciomontblanc.com>



VOCABULARI E EXPRESSIONS

Eqüèstre: relatiu o pertanhent ath shivau.

Dressatge classic: disciplina ipica basada ena execucion d'un conjunt de repeses entà demostrar era preparacion deth concorsant e era franquesa, era sosmission, er equilibri e era elegància deth shivau.

SINONIMS

Determinacion: fermesa.

Ansietat: ànsia.

① AUEM CURIOSITAT



1. Qué t'agradarie èster de gran o a qué te voleries dedicar? As bèth sòn coma Maria?

.....

2. Qué cres que s'a de besonh tà començar un negòci? Prumèr, escriu-ac e, dempús, comenta'c damb es companhs de classa e eth/era professor/a.

.....

3. As pujat bèth còp a shivau? S'ac as hèt, com te sentís e qué t'agradèc mès? Se non, t'agradarie pujar-i? Perqué?

.....

4. En quines autes activitats, a mès der espòrt e eth léser, es shivaus son presents ena vida des persones?

.....